



GARIS PANDUAN GERAN PENYELIDIKAN DINAMIK (Pindaan 2023)

Pusat Pengurusan Penyelidikan (RMC)

Pejabat Timbalan Naib Canselor (Penyelidikan & Inovasi)

Universiti Teknologi MARA

Aras 3, Bangunan Wawasan

40450 Shah Alam, Selangor, Malaysia

Tel: (+603) 5544 2097/8257

Faks : (+603) 5544 8280

SENARAI KANDUNGAN

VISI DAN MISI	1
1. PENGENALAN	2
2. OBJEKTIF	2
3. SYARAT KELAYAKAN PENYELIA	3
4. SYARAT KELAYAKAN PEMOHON	3
5. PERMOHONAN PASCA KEDOKTORAN (PD)	4
6. TUGAS DAN TANGGUNGJAWAB.....	4
7. GAJI DAN ELAUN.....	5
8. CUKAI PENDAPATAN.....	5
9. KEMUDAHAN LAIN	5
10. PELANTIKAN DAN PAS PENGGAJIAN	6
11. PERJANJIAN	6
12. PETUNJUK PRESTASI.....	7
13. PELANTIKAN SEMULA	7
14. PENAMATAN.....	7
LAMPIRAN A	

VISI DAN MISI
UNIVERSITI TEKNOLOGI MARA (UiTM)

VISI

Menjadikan UiTM sebuah universiti unggul yang berteraskan kesarjanaan dan kecemerlangan akademik bagi menerajui dinamisme bumiputera dalam semua bidang profesional bertaraf dunia supaya terlahir graduan yang berdaya saing, global dan beretika

MISI

Mempertingkatkan keilmuan dan kepakaran bumiputera dalam semua bidang menerusi penyampaian program profesional, penyelidikan serta penglibatan khidmat masyarakat yang berlandaskan kepada nilai-nilai murni dan etika keprofesionalan.

GERAN PENYELIDIKAN DINAMIK

1. PENGENALAN

- 1.1 Geran penyelidikan Pasca Kedoktoran UiTM diperkenalkan untuk menyokong strategi pembangunan profesional akademia sebagai satu inisiatif yang disarankan oleh Kementerian Pendidikan Tinggi Malaysia. Geran ini bertujuan untuk menyokong pembangunan karier penyelidik yang berkelulusan Ijazah Kedoktoran (PhD) agar dapat menggalakkan budaya penyelidikan berimpak tinggi dan penerbitan berdasarkan kepakaran masing-masing dikalangan akademia muda. Program ini mula diperkenalkan pada tahun 2002 oleh Kementerian Sains, Teknologi dan Inovasi (MOSTI) di bawah Program Pembangunan Modal Insan dalam bidang Sains dan Teknologi (S&T) yang ditawarkan oleh Kementerian tersebut.
- 1.2 Selain itu, geran ini menggalakkan Pasca Kedoktoran yang dilantik untuk menjalankan penyelidikan bagi penerokaan ilmu, pembudayaan dan pemerksaan penyelidikan yang dinamik dan menggalakkan pembangunan modal insan yang dapat meningkatkan tahap intelektual, penciptaan teknologi baru dan berinovasi serta perkembangan sempadan ilmu selaras dengan aspirasi UiTM dan negara.
- 1.3 Program ini dibiayai oleh Universiti Teknologi MARA di bawah pengurusan Pusat Pengurusan Penyelidikan (RMC), Pejabat TNCPI.
- 1.4 Pasca Kedoktoran yang dilantik perlu diselia oleh ahli tetap atau ahli bersekutu di Pusat Kecemerlangan Pengajian Tinggi (HICoE)/ Pusat Kecemerlangan (CoE)/ Kumpulan Penyelidikan (RG) yang berdaftar bagi membantu menyemarakkan aktiviti penyelidikan dan seterusnya membantu menaiktaraf ke tier yang lebih tinggi.
- 1.5 PTJ adalah HICoE/ CoE/ RG dan ketua PTJ merujuk kepada Pengarah HICoE/ Pengarah CoE dan bagi RG adalah Pengarah Neksus Penyelidikan (ReNeU).

2. OBJEKTIF

Secara dasarnya objektif lantikan bagi geran ini adalah bertujuan untuk memberi faedah secara dua hala kepada UiTM dan Pasca Kedoktoran seperti berikut:

- 2.1 Menjalankan penyelidikan.
- 2.2 Menghasilkan penerbitan akademik.
- 2.3 Membantu penyeliaan pelajar pasca siswazah dan pemindahan pengetahuan.
- 2.4 Menghasilkan kertas cadangan penyelidikan.

3. SYARAT KELAYAKAN PENYELIA

Penyelia yang layak menyelia pasca kedoktoran hendaklah memenuhi kriteria berikut:

- 3.1 Penyelia mestilah ahli tetap atau ahli bersekutu kepada HICoE/CoE/RG/RIG yang berdaftar dan aktif di UiTM.
- 3.2 Impak Penyelidikan
Mempunyai H-indeks (SCOPUS/WoS) sekurang-kurangnya 8 untuk bidang Sains dan Teknologi atau sekurang-kurangnya 4 untuk bukan Sains dan Teknologi. Keutamaan akan diberikan kepada calon penyelia daripada Gred VK7 dan ke atas yang mempunyai kumpulan penyelidikan yang kukuh.
- 3.3 Geran Penyelidikan
Mempunyai jumlah kumulatif geran penyelidikan yang aktif dengan minima berbaki satu (1) tahun sebagai ketua penyelidik seperti Jadual 1 di bawah. Keutamaan diberikan kepada ketua penyelidik yang mempunyai geran antarabangsa yang aktif.

Jenis Geran	Sains dan Teknologi	Bukan Sains dan Teknologi
Jumlah Minima Geran luar	RM60,000.00	RM30,000.00
Jumlah Geran Kumulatif	RM100,000.00	RM50,000.00

Jadual 1:Jumlah minimum geran penyelidikan aktif bagi penyelia

- 3.4 Penerbitan Berindeks
Menghasilkan mimima 10 jurnal berindeks (SCOPUS/WoS) dalam tempoh **lima (5) tahun** terkini di mana sekurang-kurangnya 50% daripadanya adalah sebagai Penulis Penghubung (*Corresponding Author*).
- 3.5 Pelajar Ijazah Kedoktoran (PhD)
Sekurang-kurangnya dua (2) orang pelajar Ijazah Kedoktoran (penyelia utama) yang telah bergraduat.

4. SYARAT KELAYAKAN PEMOHON

- 4.1 Terbuka kepada warganegara Malaysia dan bukan Warganegara.
- 4.2 Memiliki Ijazah PhD dari universiti atau institut penyelidikan dalam atau luar negara yang diiktiraf dan tidak melebihi lima (5) tahun dari tarikh penganugerahan.
- 4.3 Mempunyai minima tiga (3) jurnal berindeks di mana satu (1) daripadanya adalah Q1 atau Q2 di *Journal Citation Report (JCR)*.
- 4.4 Bukan warganegara perlu memiliki kelayakan kecekapan Bahasa Inggeris (TOEFL minima 600 atau IELTS minima band 6.5) bagi pemohon yang tesis Ijazah Kedoktoran bukan dalam Bahasa Inggeris.
- 4.5 Mempunyai tahap kesihatan yang baik dan bebas daripada sebarang penyakit berjangkit dan penyakit kronik.
- 4.6 Bebas daripada rekod jenayah. Calon PD bukan warganegara perlu mengepulkan *Certificate of Good Conduct*.

5. PERMOHONAN PASCA KEDOKTORAN (PD)

- 5.1 Permohonan dibuka sepanjang masa tertakluk kepada peruntukan universiti.
- 5.2 Permohonan lengkap oleh penyelia dan calon PD hendaklah dihantar kepada Sekretariat pasca kedoktoran RMC, Pejabat TNCPI dengan mengemukakan dokumen berkaitan:
 - i) Borang Permohonan Geran Dana Dinamik.
 - ii) Satu Salinan Kad Pengenalan/Pasport Antarabangsa.
 - iii) Satu keping gambar berukuran pasport.
 - iv) *Curriculum Vitae*.
 - v) Salinan sijil-sijil kelayakan akademik/professional (Ijazah Sarjana Muda, Ijazah Sarjana, Ijazah PhD atau surat kelulusan Senat) yang disahkan.
 - vi) Sijil TOEFL atau IELTS (jika berkaitan).
 - vii) Borang Pemeriksaan Perubatan.
 - viii) *Certificate of Good Conduct* (Bukan Warganegara)

6. TUGAS DAN TANGGUNGJAWAB

- 6.1 PD yang dilantik hendaklah ditindikkan di bawah HICoE/CoE/RG/RIG yang dianggotai oleh penyelia untuk tujuan guna sama bagi pemantapan aktiviti dan hasilan penyelidikan HICoE/CoE/RG/RIG.
- 6.2 PD adalah bertanggungjawab bagi menjalankan skop kerja berikut:
 - i) Menjalankan penyelidikan dalam projek yang telah dikenalpasti.
 - ii) Menerbitkan jurnal berindeks bersama penyelia sebagai Penulis Utama/ Penulis Bersama dengan afiliasi Universiti Teknologi MARA.
 - iii) Menyediakan kertas cadangan penyelidikan bagi mendapatkan geran baharu.
 - iv) Membantu penyeliaan pelajar Pasca Siswazah.
 - v) Membantu dalam pengkomersialan penyelidikan dan perlindungan harta intelek.
 - vi) Membantu meningkatkan penarafan universiti melalui jaringan kerjasama penyelidikan dengan pihak luar.
 - vii) Membantu mengendali penganjuran seminar/konferensi/bengkel dan sebagainya.
- 6.3 Tugas dan tanggungjawab PD adalah mengikut petunjuk prestasi semasa yang telah ditetapkan (Lampiran A).
- 6.4 Tugas PD adalah sepenuh masa dan tidak dibenarkan membuat kerja lain serta memegang apa-apa tugasan atau kerja luar tanpa kelulusan penyelia supaya PD fokus dalam tugas penyelidikan.
- 6.5 PD dikehendaki menyerahkan maklumat, penemuan dan hasilan penyelidikan dalam tempoh yang ditetapkan oleh pihak universiti kepada penyelia sebagaimana yang dinyatakan dalam Perjanjian Kerahsiaan (*Non-Disclosure Agreement*). Hasil penyelidikan akan menjadi hak mutlak universiti.
- 6.6 PD hendaklah merekodkan kehadiran ke tempat kerja mengikut masa yang telah ditetapkan oleh penyelia melalui sistem yang diguna pakai. PD perlu

mengemukakan sebab yang kukuh kepada penyelia di atas ketidakhadiran bertugas atas sebab-sebab peribadi atau kesihatan.

7. GAJI DAN ELAUN

- 7.1 PD akan menerima pembiayaan seperti berikut:
 - 7.1.1 Gaji sebanyak RM5,000.00 (Ringgit Malaysia Lima Ribu) setiap bulan.
 - 7.1.2 Elaun perumahan sebanyak RM700.00 (Ringgit Malaysia Tujuh Ratus) setiap bulan.
- 7.2 Semua PD adalah tertakluk kepada Akta Cukai Pendapatan 1967 dan PD warganegara Malaysia adalah tertakluk kepada Akta KWSP 1951.

8. CUKAI PENDAPATAN

- 8.1 Cukai pendapatan dikenakan berdasarkan kepada peruntukan undang-undang dalam Akta Cukai Pendapatan 1967, Lembaga Hasil Dalam Negeri Malaysia (LHDN).
- 8.2 Pejabat Bendahari bertanggungjawab dalam urusan membuat potongan cukai berjadual (PCB) pada setiap bulan.
- 8.3 Kadar kenaan cukai tertakluk kepada peraturan semasa LHDN.

9. KEMUDAHAN LAIN

- 9.1 Kemudahan perubatan untuk diri sendiri sahaja di Pusat Kesihatan UiTM / Klinik Panel UiTM / Hospital Kerajaan tertakluk kepada peruntukan PTJ.
- 9.2 Calon PD terutamanya bukan warganegara digalakkan mempunyai perlindungan insurans bagi tujuan rawatan hospital (di atas tanggungan sendiri) sebelum melapor diri. Sekiranya PD tidak mempunyai perlindungan insuran, pihak UiTM tidak akan menanggung sebarang kos perubatan yang dikenakan.
- 9.3 PD layak mendapat cuti sebanyak dua puluh lima (25) hari setahun dan cuti sakit bergaji sebanyak lima belas (15) hari setahun. Walau bagaimanapun, PD tidak layak kemudahan cuti-cutি lain yang diberikan kepada kakitangan biasa universiti, kecuali atas kebenaran khas PTJ.
- 9.4 PD boleh menghadiri seminar/konferensi/kursus yang diadakan di dalam atau luar negara tertakluk kepada peraturan universiti dan kelulusan menggunakan peruntukan geran penyelidikan mengikut kelayakan Gred DM51/52..
- 9.5 PD boleh dipertimbangkan membuat tuntutan perjalanan untuk kerja lapangan atau mana-mana kerja luar dengan penyelidikan yang berkaitan tertakluk kepada peraturan dan kelulusan penyelia.

10. PELANTIKAN DAN PAS PENGGAJIAN

- 10.1 Terma pelantikan adalah sepenuh masa dan bertaraf kontrak. Penempatan calon adalah di PTJ yang berkenaan.
- 10.2 Tempoh pelantikan pertama adalah selama **dua belas (12) bulan** dan boleh dilantik semula tertakluk kepada Perkara 14 (Pelantikan Semula).
- 10.3 PD dikehendaki melapor diri di PTJ dalam tempoh berikut dari tarikh surat tawaran:
 - 10.3.1 PD warganegara - dalam tempoh tiga puluh (30) hari.
 - 10.3.2 PD bukan warganegara - dalam tempoh tiga (3) bulan.
- 10.4 Pelantikan akan terbatal sekiranya calon tidak melapor diri dalam tempoh seperti di atas.
- 10.5 Surat tawaran dikeluarkan oleh Pejabat Timbalan Naib Canselor (Penyelidikan dan Inovasi) kepada calon dengan salinan kepada Penyelia, PTJ dan Pendaftar.
- 10.6 Calon yang bersetuju dengan terma pelantikan hendaklah menghantar Surat Penerimaan Lantikan kepada Pejabat TNCPI dalam tempoh empat belas (14) hari dari tarikh surat tawaran. Pejabat TNCPI akan menghantar salinan tersebut kepada Penyelia, PTJ, Bendahari dan Pendaftar.
- 10.7 PD bukan warganegara adalah tertakluk kepada kelulusan pas penggajian yang dikeluarkan oleh Jabatan Imigresen Malaysia. PD perlu mematuhi peraturan dan undang-undang yang berkuatkuasa oleh Jabatan Imigresen Malaysia.
- 10.8 Pihak PTJ perlu membantu PD bukan warganegara menguruskan perolehan pas penggajian daripada Jabatan Imigresen Malaysia dan menghantar salinan dokumen pas penggajian kepada Pejabat Pendaftar, UiTM. Segala perbelanjaan yang berkaitan ditanggung sendiri oleh PD.
- 10.9 PTJ perlu mengemaskini maklumat pelantikan PD dalam sistem STARS untuk tujuan perolehan nombor pekerja, rekod dan penggajian.

11. PERJANJIAN

- 11.1 Dua (2) salinan dokumen kontrak perjanjian pelantikan sebagai PD yang telah ditandatangani oleh PD dan penyelia, disaksikan oleh PTJ dan dimatikan setem, hendaklah diserahkan semasa melapor diri di PTJ. Segala perbelanjaan adalah ditanggung sendiri oleh PD.
- 11.2 Dua (2) salinan dokumen Perjanjian Kerahsiaan atau *Non-Disclosure Agreement* (NDA) yang telah ditandatangani oleh PD dan penyelia, disaksikan oleh PTJ dan dimatikan setem, hendaklah diserahkan semasa melapor diri di PTJ. Segala perbelanjaan adalah ditanggung sendiri oleh PD.

12. PETUNJUK PRESTASI

- 12.1 Petunjuk prestasi PD diperincikan dalam Lampiran A.
- 12.2 Laporan petunjuk prestasi hendaklah dilengkapkan melalui sistem PRIMe, UiTM untuk setiap enam (6) bulan oleh penyelia, dan akan dibentangkan oleh Pejabat TNCPI untuk pelaporan di Jawatankuasa Induk Penyelidikan Universiti (JKIPU).
- 12.3 Laporan petunjuk prestasi adalah pengukuran dan penilaian yang digunakan untuk dipertimbangkan kelulusan permohonan pelantikan semula, sekiranya berkaitan.

13. PELANTIKAN SEMULA

- 13.1 Proses permohonan pelantikan semula adalah sebagaimana dalam Perkara 5 (Permohonan) dalam Garis Panduan ini. Permohonan perlantikan semula hendaklah dihantar kepada Sekretariat Pasca Kedoktoran RMC, Pejabat TNCPI sekurang-kurangnya enam (6) bulan sebelum tamat dengan mengemukakan dokumen berikut:
 - i) Borang Permohonan Geran Dana Dinamik (Perlantikan Semula).
 - ii) Surat rasmi permohonan daripada PTJ.
 - iii) Satu Salinan Kad Pengenalan/Pasport Antarabangsa.
 - iv) Satu keping gambar berukuran pasport.
 - v) *Curriculum Vitae* terkini.
 - vi) Salinan Laporan Prestasi pelantikan terdahulu.
 - vii) Salinan sijil-sijil kelayakan Ijazah Kedoktoran.
- 13.2 Permohonan pelantikan semula untuk tempoh setahun (1) boleh dipertimbangkan oleh Pejabat TNCPI, tertakluk kepada :
 - i) Tarikh penganugerahan Ijazah Kedoktoran tidak melebihi lima (5) tahun.
 - ii) Peruntukan
 - iii) Pencapaian petunjuk prestasi

14. PENAMATAN

- 14.1 Pihak universiti berhak menamatkan kontrak perkhidmatan jika tidak mencapai petunjuk prestasi yang telah ditetapkan oleh Universiti.
- 14.2 Pihak universiti berhak menarik balik tawaran atau menamatkan perkhidmatan tanpa memberi notis terlebih dahulu, sekiranya maklumat yang diberikan adalah tidak benar dalam mana-mana dokumen yang dikemukakan.
- 14.3 Perletakan jawatan oleh PD hendaklah dilakukan secara bertulis kepada PTJ melalui penyelia dengan pemberian notis satu (1) bulan atau membayar satu bulan gaji sebagai ganti notis.
- 14.4 Pihak PTJ hendaklah menghantar maklumat perletakan jawatan atau penamatan kontrak perkhidmatan dengan kadar **SEGERA** kepada Sekretariat Pasca Kedoktoran RMC, Pejabat TNCPI.

- 14.5 Pihak PTJ perlu mengemaskini maklumat tarikh tamat perkhidmatan di dalam sistem STARS bagi memastikan gaji ditamatkan pembayarannya oleh pejabat bendahari.
- 14.6 Perkara berikut perlu diserahkan kepada Ketua PTJ sebelum menamatkan perkhidmatan:
 - 14.6.1 Kad Staf dan kad akses yang berkaitan;
 - 14.6.2 Semua maklumat, data dan peralatan yang berkaitan dengan tugas yang dipertanggungjawabkan kepada penyelia
- 14.7 Bagi lantikan bukan warganegara, surat penyelesaian cukai pendapatan daripada LHDN mesti diperolehi terlebih dahulu bagi maksud pembayaran gaji terakhir. Urusan bayaran tersebut hendaklah diselesaikan dalam tempoh satu bulan sebelum tamat kontrak perkhidmatan bagi mengelakkan sebarang kesulitan semasa meninggalkan Malaysia.

LAMPIRAN A**SENARAI TUGAS DAN PETUNJUK PRESTASI PASCA KEDOKTORAN
UNIVERSITI TEKNOLOGI MARA**

BIL.	SKOP KERJA	HASILAN
1.	Menjalankan penyelidikan dalam projek yang telah dikenalpasti	Minima satu (1) projek penyelidikan dalam tempoh lantikan.
2.	Menerbitkan jurnal berindeks bersama penyelia sebagai Penulis Utama/ Penulis Bersama dengan afiliasi Universiti Teknologi MARA	Minima tiga (3) jurnal berindeks (SCOPUS, WoS) sebagai penulis pertama/penulis bersama, di mana sekurang-kurangnya SATU (1) Q1/Q2 JCR
3.	Menyediakan kertas cadangan penyelidikan untuk mendapatkan geran baharu	Minima satu (1) kertas cadangan penyelidikan untuk tujuan perolehan geran penyelidikan dengan jumlah minima geran RM100K S&T/ RM50K bukan S&T bagi setiap tahun.
4.	Membantu penyeliaan pelajar Pasca Siswazah	Minima satu (1) orang pelajar Ijazah Kedoktoran atau dua (2) orang pelajar Sarjana secara penyelidikan.
5.	Membantu dalam pengkomersialan penyelidikan dan perlindungan harta intelek	Mengikut ketetapan PTJ.
6.	Membantu meningkatkan penarafan universiti melalui jaringan kerjasama penyelidikan dengan pihak luar	Minima satu (1) jaringan kerjasama institusi terkemuka di dalam atau luar negara.
7.	Mengadakan sesi perkongsian ilmu berkaitan penyelidikan semasa yang dijalankan kepada pelajar pasca siswazah	Minima satu (1) sesi perkongsian setiap semester
8.	Membantu mengendali penganjuran seminar/ konferensi/ bengkel dan sebagainya.	Membantu melaksanakan minima satu (1) program setahun bergantung kepada ketetapan PTJ